

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 253299 24 St
Zenica, 19.09.2025. godine

Općinski sud u Zenici, sutkinja Marina Šapina, u stečajnom postupku nad društvom društvom Društvo za prijevoz rušenje građevinskih objekata i zemljane radove „AUTOTRANS-SAN“ d.o.o. Doboj Jug, Mravići bb, Doboj Jug, odlučujući o prijedlogu likvidatora Hazima Škapura iz Tešnja, nakon ročišta održanog dana 13.03.2025.god., u prisustvu likvidatora Hazima Škapura i Asafa Sarajlića, zaposlenika Porezne uprave F BiH, Kantonalni porezni ured Zenica, van ročišta dana 19.09.2025. godine donio je:

R J E Š E N J E

Otvara se i zaključuje stečajni postupak nad društvom Društvo za prijevoz rušenje građevinskih objekata i zemljane radove „AUTOTRANS-SAN“ d.o.o. Doboj Jug, Mravići bb, Doboj Jug, MBS: 1-7889, zbog nepostojanja stečajne mase, te se nalaže brisanje ovog privrednog društva iz sudskog registra matični broj subjekta upisa: 1-7889, a po pravomoćnosti ovoga rješenja.

O b r a z l o ž e n j e

Predlagatelj Društvo za prijevoz rušenje građevinskih objekata i zemljane radove „AUTOTRANS-SAN“ d.o.o. Doboj Jug, zastupan po zastupniku po zakonu direktoru Smailu Hasanbašiću, ovom sudu je dana 04.10.2023.godine, podnio prijedlog za provođenje likvidacije nad navedenim pravnim licem.

Rješenjem br. 43 0 L 235889 23 L od 03.07.2024. godine, pokrenut je likvidacioni postupak i za likvidatora je imenovan Hazim Škapur iz Tešnja, Vukovo b.b.

U likvidacionom postupku potraživanje je prijavila Porezna uprava F BiH, Kantonalni porezni ured Zenica u iznosu od 56.415,55 KM, likvidator je u cijelosti priznao prijavljeno potraživanje kao osnovano, te je u svom izvještaju naveo da društvo nema imovine iz koje bi se moglo izmiriti prijavljeno potraživanje.

Na ročištu radi ispitivanja uvjeta za otvaranje stečajnog postupka održanom dana 15.05.2025.god., likvidator je izjavio da ostaje kod izvještaja podnesenog u likvidacionom postupku. Prijavu potraživanja u toku likvidacije je podnijela Porezna uprava F BiH, Kantonalni porezni ured Zenica u iznosu od 56.415,55 KM. Likvidator izjavljuje da je navedena prijava u cijelosti priznata kao osnovana. Dalje navodi da društvo ne posluje već više godina, a osnivač ne pokazuje više interes za rad društva, te društvo posluje s gubitkom. Iz finansijskih izvještaja za 2023. godinu, a istom je prethodio zadnji, redovni urađeni finansijski izvještaj po završnom obračunu na dan 31.12.2025. godine, druge informacije o finansijsko-ekonomskom stanju društva su obezbijedene iz eksternih izvora (poslovne banke, komitenti, javni registri i Porezna uprava i dr.), proizilazi da stečajni dužnik na dan sačinjavana izvještaja u likvidacionom postupku, a i u momentu izrade bilansa stanja na dan 31.12.2023. godine,

nema iskazane nikakve imovine (zemljište, poslovni objekti, oprema i sl.), niti bilo kakve tekuće imovine (zalihe, novčana sredstva, potraživanja od kupaca i sl.). Izjavljuje da su u toku likvidacionog postupka pribavljene su Potvrde nadležnih registara koji vode evidenciju o mogućoj imovini stečajnog dužnika, pa je uz Izvještaj likvidatora dostavljena: Potvrdu MUP ZE-DO kantona Zenica, Odsjek za administraciju Doboj Jug, broj: 08-01-02/10-03.7-1146/23 od 14.09.2023. godine, kojom se potvrđuje da se u vlasništvu pravnog lica „AUTOTRANS-SAN“ d.o.o. Doboj Jug ne nalazi aktivno registrovano ni jedno motorno vozilo, Izvještaj o računima poslovnog subjekta, iz Jedinstvenog registra Centralne Banke BiH na dan 09.02.2024. godine, iz kojeg je utvrdio da društvo ima evidentirane račune kod tri poslovne banke, od čega je transakcioni račun u Raiffeisen bank dd Sarajevo broj: 1610400001490008 ugašen 14.01.2010. godine, a dva transakciona računa su blokirana, i to: u UniCredit bank dd Mostar dana 21.03.2008. godine, a u Privrednoj banci dd Sarajevo dana 03.05.2005. godine. Stečajni dužnik na dan sačinjavanja likvidacionog izvještaja, odnosno u momentu izrade bilansa stanja na dan 31.12.2023. godine, ima ukupne obaveze u iznosu od 18.030,00 KM, a što se odnosi na obaveze za neplaćeni porez na promet proizvoda i usluga i druge obaveze prema PU- Kantonalni porezni ured Zenica. Dakle, ukupno prijavljena potraživanja povjerioca u likvidacionom postupku do dana održavanja ročišta za zaključenje likvidacije iznosila su 56.415,55 KM, dok eventualno druga potraživanja-obaveze firme do dana sačinjavanja izvještaja likvidatora nisu prijavljena, niti su evidentirana u poslovnim knjigama društva. Kako iz svega naprijed navedenog proizilazi da društvo nema nikakve imovine iz koje bi se mogli namiriti makar troškovi stečajnog postupka, a ima neizmirene obaveze, likvidator predlaže da sud pozove povjerioce i zainteresirana lica da predlože otvaranje stečajnog postupka, jer su ispunjeni uvjeti, te da predujme iznos od 5.000,00 KM.

Punomoćnik povjerioca je izjavio da nema primjedbi na izvještaj ali predlaže da likvidator pribavi potvrde od nadležnih organa da li stečajni dužnik u svom posjedu ili vlasništvu ima nekretnine.

Podneskom od zaprimljenim u sud dana 14.04.2025.god. dostavljeni su sljedeći dokumenti: Potvrda ZK ureda Općinskog suda u Tešnju od 09.04.2025. godine, Uvjerenje Službe za katastar, urbanizam i imovinsko pravne poslove Općine Tešanj od 08.04.2025. godine i Uvjerenje Službe za urbanizam, katastar, geodetske poslove Općine Doboj Jug od 09.04.2025. godine, iz kojih proizilazi da stečajni dužnik nije evidentiran kao vlasnik ili posjednik nekretnina.

Odredbom člana 102. stav 6. Zakona o stečaju („Službene novine F BiH”, broj: 53/21) određeno je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stavom 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102. stav 7. Zakona o stečaju, rješenjem od 16.05.2025. godine pozvao povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da po izvršenoj uplati predujma sudu dostave uplatnicu, kao dokaz da je uplata

izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 16.05.2025. godine, objavljeno je na oglasnoj tabli suda dana 20.05.2025. godine, na web stranici suda i objavljeno je u „Službenim novinama Federacije BiH“ broj: 39/2025 od 28.05.2025. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresirana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečaju, odlučeno kao u izreci ovog rješenja.

Sukladno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje usljed nedostatka stečajne mase prestaje postojati, te brisanje ovog pravnog lica iz sudskog registra.

Sutkinja:

POUKA O PRAVNOM LIJEKU

Protiv ovog rješenja može se izjaviti žalba
Kantonálnom sudu u Zenici u roku od 8 dana,
putem ovog suda. Žalba se podnosi
putem ovoga suda u tri primjerka.

Marina Šapina, v.r.